



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 5. Alii Articuli.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V. *minum inutilium clamor toleratur?* Theodorus Claudiopopolitanus dixit: *quis clamat, nisi Dioscori Notarii?* Dioscorus: *duos non plures habeo Notarios, num viri duo tumultum creare possunt?*

§. V.

*Alii Articuli.*

p. 122. **V**entum est ad illum Actorum locum, ubi dicebatur, Legatos S. Leonis Pæ epistolam ipsius Concilio Ephesino tradidisse, iussisse Dioscorum, ut reciperetur, sed statim Joannem Presbyterum, Concilii Promotorem, proposuisse, ut legeretur aliqua Epistola Imperatoris, quod ut fieret, Juvenalem mandasse. Cum igitur locus iste Calcedone legeretur, Aetius, Archidiaconus Constantinopolitanus, dixit: *Epistola Sanctissimi Archiepiscopi Leonis nec lecta fuit, nec recepta.* Orientales exclamarunt: *non fuit nobis prælecta Epistola, tunc enim Actis fuisset inserta.* Eusebius Doryleensis dixit, de Dioscoro loquens: *Epistolam Synodalem suppressit, nec passus est, ut legeretur.* Archidiaconus Aetius subjunxit: *septies juravit coram omnibus, jussurum se, ut legatur;*  
 p. 123. *perjurii reus est!* Theodorus Claudiopopolitanus: *ipsum juramento se obstrinxisse omnes scimus, itemque epistolam non fuisse lectam testamur omnes.*

Magi-



Magistratus dixerunt: *Episcopi, qui- Sæculum V.  
 bus in hoc negotio Imperator Auctoritatem A.C. 451.  
 commiserat, dicant, cur Epistola Sanctissi-  
 mi Archiepiscopi Leonis lecta non fuerit,  
 cum id tamen fuisset mandatum. Diosco-  
 rus: Acta docent, me bis iussisse, ut lege-  
 retur. Magistratus: cur ergo, quod ius-  
 sisti, factum non est? Dioscorus: id ex  
 aliis Mandatariis quærite. Magistratus:  
 edic simpliciter, quos interrogari velis.  
 Dioscorus: Juvenalem, & Thalassium.  
 Magistratus: tu primus responde, deinde  
 bos quoque interrogabimus. Dioscorus:  
 dixi jam, bis præcepi, ut legeretur. Eu-  
 febius Doryleensis: mentitur! Tum Ma-  
 gistratus Juvenalem interrogant, qui re-  
 spondit: Joannes Presbyter, & Notario-  
 rum Primicerius statim dixit, Epistolam  
 Imperatoris sibi in manibus esse, respondi,  
 esse legendam. Magistratus: num ergo  
 post Imperatoris Epistolam etiam Archi-  
 episcopi Leonis litteræ lectæ sunt? Juve-  
 nalis: nec Primicerius Notariorum, nec  
 quisquam alius, ulterius monuit, Epistolam  
 Archiepiscopi Romani sibi esse præ mani-  
 bus. Magistratus Thalassium quoque in-  
 terrogarunt, qui dixit: unicum est, quod  
 scio, per me non stetisse, quo minus lege-  
 retur, nec tanta auctoritate polluisse, ut, si  
 solus hanc lectionem præcepissem, futurus  
 fuisset, qui obediret.*

Nn 3

Ad



Sæculum V.

A. C. 451.

p. 127.

p. 150.

Ad alium Actorum locum Orientales exclamarunt: *hæc non diximus.* Theodorus Claudiopolitanus, de Dioscoro loquens, dixit: *Notarios suos adesse jubeat, nam, fugatis ceteris omnibus, suos jussit scribere.* Magistratus dixerunt: *cujus manu conscripta sunt Acta?* Dioscorus: *unusquisque suos jussit Notarios scribere; mei pro me, Juvenalis pro Juvenale, & Thalassii pro Thalassio scripsere. Multorum aliorum Episcoporum Notarii aderant, scribentes.* Juvenalis dixit: *unum habebam Notarium, qui cum ceteris scripsit.* Thalassius: *ego quoque unum habebam.* Dioscorus: *videtis, meos non solos scripsisse.* Eusebius Doryleensis: *peto, ut Stephanus Episcopus Ephesinus interrogetur, quam humane ipsius Notarii a Scribis habiti fuerint.* Stephanus a Magistratu interrogatus dixit: *Notarii mei Julianus, modo Episcopus Lebedenus, & Crispinus Diaconus, scribebant; & ecce Notarii Dioscori accurrunt, notata in Tabulis delent, ipsis instructum calamarium adhibita vi eripere nituntur; nihil propius fuit, quam ut in illa colluctatione meorum digiti frangerentur. Nullum ego Actorum exemplum accepi, & quid illis factum fuerit, nescio. Præterea eadem die, qua institutum examen chartæ subscripsimus, & Episcopi, qui necdum subscripserant, altera die me hortante Nomina apposuerunt.* Eusebius



bis petiit, ut Stephanus ediceret, in quali charta subscripsissent; Stephanus dixit: *in charta litteris vacua, nam eadem hora, qua sententia damnationis prolata, etiam signum appositum est.* Acacius, Episcopus Ariarathinus his dictis subjunxit: *subscripsimus chartæ candidæ, vi, & injuriis adacti, postquam mille mala perpeSSI eramus, usque ad Vesperam in Ecclesia clausa detenti sumus; ægri respirare non sinebamur; Monachi, militesque cum baculis, & gladiis advenerunt.*

Sæculum V.  
A.C. 451.

§. VI.

*Eutychis Error.*

Cum legeretur Eutychis Confessio Fidei, Actis Concilii Ephesini inserta, aliquoties legentem morati sunt; Eutyches omnes Hæreticos anathematizabat, dicentes, JESU Christi Carnem de Cælo descendisse. Hic Eusebius Doryleensis dixit: *solicite quidem attendit, ne diceret, Eam de Cælo venisse, sed non addidit, unde venerit.* Diogenes Cyzicenus: *per vestram Amplitudinem juro! nos ipsum interpellavimus, dicentes: Domine Eutyches! unde ergo JESU Christi Caro advenit? edicito! & noluit respondere.* Basilii Seleuciensis; *interpellavimus ipsum, ut nobis Incarnationis modum explicaret, an Verbum factum esset Homo per carnem, quam assumpsisset; responderunt nobis, ne*

p. 138.

Nn 4

banc